

Na al chasti per esser maridà

Parolas da la pcd svizra

■ **(cp) Dapi tschintg onns cumbatta la Partida cristiandemocratica (pcd) per abolir il chasti d'esser maridà.** Igl è in fatg che pèrs maridads e partenadis regi-strads èn en dischavantatg visavi pèrs che vivan en concubinat. Tar las medemas entradas e facultads pajan els dapli impostas e retrain damain rentas. Quella discriminaziun sto vegnir dismessa. Il tribunal federal ha gia declerà 1984 il chasti per esser maridà sco anticonstituziunal.

Dad abolir èn er ils dischavantatgs tar las rentas. In pèr maridà survegn ina renta maximala da 150%, in pèr na maridà ina tala da 200%. I na dat naging motiv da privilegiar pèrs na maridads. Perquai in gea «Per la lètg e famiglia e cunter il chasti per esser maridà».

Na al repatriament effectiv

L'iniziativa per in repatriament effectiv zappitscha noss stadi costituziunal cun ils pes ed è perquai mintgacas da refusar. Quai han ils votants gia decidì 2010 tar l'iniziativa d'expulsiun. Il parlament ha fatg ses duairs. L'iniziativa per il repatriament effectiv n'è perquai betg necessaria. Ella stat en cuntradiziun cun ils

dretgs fundamentals e cun il princip da la commensurabladad. Quai è dad impedir cun in na en l'urna.

Per in segund tunnel al Gottard

Il tunnel stradal dal Gottard sto vegnir sanà urgentamain. La megra schliaziun è da cumplettar il tunnel existent cun in segund. Tuttas alternativas per ina sanaziun n'èn betg suffizientas e memia charas. Cun in segund tunnel stradal po la segirezza vegnir augmentada considerablamain. Ed i na va era betg ch'il Tessin vegniss separà per lung temp da l'ulteriura Svizra. Nus duvrain in Gottard segir per l'entira Svizra. Perquai: In gea al segund tunnel da vias tras il Gottard.

Na a l'iniziativa per specular

I n'è betg confermà che specularziuns avessan influenza sin ils pretschs per mangiativas. I na gidass nagut sche la Svizra fagess quai persula. Igl è d'intender standards internaziunals. L'iniziativa dals giuvens socialistes (Juso) porta bler burocracia, fa donn a tuts e nizzegia a naging. Perquai in na a tala. – E na emblidar: Mintga vusch quinta!